

太平寰宇記

第二十五冊

太平寰宇記

卷二十五

太平寰宇記卷之九十六

江南東道八

越州

越州

會稽郡今理會稽山陰兩縣

禹貢揚州之域春秋時越國之

地周禮謂吳越星紀之分野故春秋元命苞曰牽牛流爲揚州分爲越國史記云東越之地文身斷髮夏少康封少子無餘以奉禹祀號於越越國之稱始于此矣後二十餘代勾踐稱王于周至六代王無疆當周顯王之世爲楚所滅浙江之地越猶保之終爲楚所滅其地盡入楚秦滅楚以越并入

吳立會稽郡夏侯曾先吳地志云南面連山萬重
北帶滄海千里輿地志云漢因秦制至順帝時陽
羨人周嘉上書請分浙江以西爲吳郡東爲會稽
郡自晉至陳又于此置東揚州至隋初改爲吳州
大業元年改爲越州以地名之尋廢州爲會稽郡
唐武德四年平李子通置越州總管管越嵎姚鄞
浙綱衢縠麗嚴婺十一州越州領會稽諸暨山陰
三縣七年改總管爲都督督越婺鄞嵎麗五州越
州領會稽諸暨山陰餘姚四縣八年廢鄞州爲鄞
縣嵎州爲剡縣來屬麗州爲永康屬婺州省山陰

縣督越婺二州貞觀元年更督越婺泉建台括六
州天寶元年改越州爲會稽郡乾元元年復爲越
州皇朝爲鎮東軍節度

元領縣七

今八

山陰

會稽

剡縣

諸暨

餘姚

上虞

蕭

山

新昌

新置

州境

東西二百三十二里

南北四百四十里

四至八到

東北至東京二千四百五十里

西北至西京二千八百七十里

西北至長安三千七百三十里

東至明州二百七十里

西至杭州一百三十里

南至台州天台縣關嶺一百三十六里

北至海與蘇州分界一百三十里

東南至台州四百七十五里

西南至婺州三百九十里

東北至浹江海際三百九十八里

戶

唐開元戶六萬四千一百

皇朝戶主客五萬六千四百九十一

風俗

漢書曰文身斷髮以避蛟龍之害言人常在水中故斷其髮文其身以象龍子則龍不見傷害宋略云會稽山陰編戶三萬號爲天下繁劇之所

姓氏

會稽郡七姓 虞 孔 夏 榮 鍾 茲 謝

人物

鄭吉

會稽人爲西域都護

謝夷吾

山陰人爲荊州刺史

鄭弘

會稽山陰

人爲太尉第五倫爲司空班次在下弘
鍾離意

曲躬自卑因置雲母屏風分隔其間
會稽山陰人爲臨淮太守出行春天澍雨白鹿夾

轂主簿曰三公車畫白鹿必爲三公後官尚書又
交趾守張恢墨敗籍其貲詔賜臣下意得珠悉

以委地曰穢物不敢拜帝歎曰清乎尚書之言
鍾離牧字子幹 **王充**字仲任上虞人少孤家貧

悉記因杜門潛思著 **嚴青**有異人曰汝骨得道
論衡一卷蔡邕秘之 **嚴青**長生以一卷書與青

曰汝得 **孟嘗**字伯周上虞人爲 **虞翻**字仲翔
長生 **孟嘗**合浦太守珠還 **虞翻**會稽人

垂髫時客有候其兄者不過翻遺書曰琥珀不
拾腐草磁石不受曲鍼過而不存宜矣客大奇之

嘗以所注易示孔融融曰延陵之理樂吾子之理
易乃知東南之美者非徒會稽之竹箭也可謂探

蹟窮通矣性疏直數忤孫權 **闕澤**會稽人年十
權行酒翻佯醉徒交州十年 **闕澤**三夢名在月

宮 **丁固**字少夢松生腹上謂人 **朱育**山
曰松字十八公後果爲司徒

人

謝敷

字慶緒會稽人隱若耶山中徵博士不就

夏統

字仲御永興人母病

詣洛市藥三月三日洛中王公至浮橋統曝藥不顧

賀循

字彥先山陰人操尚清厲元帝

渡江凡典禮皆循所定所居舍僅底風雨上賜以牀簟

虞驥

字思行翻曾孫

丁

潭

字世康山陰人有時望與孔愉張茂齊名愉字敬康茂字偉康時號會稽三康

虞預

字叔宣餘姚人著術勸羣酒羣曰德非孔子厄同匡人雖

孔羣

字敬休山陰人嘗與匡術有隙王導因眾坐令

陽和布氣鷹化為鳩識者猶憎其目康山陰人討華軼有功封餘不亭侯少嘗得一龜

孔愉

字敬

放之餘不池中龜左顧者數及封鑄印而龜皆左顧愉始悟歷登要路垂橐

而歸布衣茹舍澹如也阮裕

字思曠刻縣人

驚寵

謝玄

字幼度少為叔父安所器重安嘗曰辱

譬如芝蘭玉樹當使生于庭階耳

謝方明

山陰人官會稽太守判久繫之獄如神

謝惠連

詩方明子以

孔覲

字思遠山陰人骨鯁有風力以是非為己

任歷御史中丞雖醉日居多而醒時判決未嘗壅積

謝靈運

江左孫詞賦為

照曰謝五言如初日芙蓉自然可愛世稱謝康樂為永嘉太守

謝鳳

子靈運

謝

超宗

鳳子為新安王常侍時王母殷淑妃卒超宗作誄上奇之曰超宗殊有鳳毛

孔

稚珪

字德璋山陰人官太子詹事風韻清疏飲酒可七八斗門庭內草萊不翦時有蛙鳴笑謂

客曰以此當

虞羲集

會稽人

虞荔

餘姚人九歲

問五經中十事荔應對無遺梁武時為士林學士兼中書舍人

孔愔

會稽人稚

所作示謝朓朓歎賞之語珪曰是子聲名未立應共獎成無惜齒牙餘論

唐虞世南

字伯施餘姚人太宗每稱世南德行忠信博學文詞書翰為五絕

賀知章

會稽人

孔述睿

越州人代宗徵入歷史館修撰乞還鄉太子賓客致仕

土產

緋紗

甕器

越綾

貢以上

甘橘

甘蔗

玉芝

葛根

交梭白紗

銀魚

蛤粉

剡牋

鱖

魚

古稱出織利之物東方朔曰橫山產草莖赤

葉青死者覆之活

諸暨縣烏帶山出紫石英

山陰縣

舊十二鄉今十五鄉

本秦舊縣置在會稽山北龜山西

漢以爲郡都尉所居宋略云會稽山陰編戶三萬號爲天下繁劇王羲之云每行山陰道上如鏡中遊王子敬見潭壑澄澈清流瀉注乃云山川之美使人應接不暇隋末廢并入會稽唐武德四年又

置貞觀元年又廢垂拱二年又分會稽置大厯二
年又廢七年刺史陳少游又奏置之至元和七年
併入會稽蕭山兩縣至十年又置之 會稽城按
郡國志云越無城北面以事吳後吳終爲越滅
種山在縣北三里餘吳越春秋云大夫種所葬處
隋開皇十一年越國公楊素築爲州城 龜山縣
東北九十四步越絕書云勾踐遊臺上有龜公冢
在又神異志云琅邪東山徙于會稽壓殺百姓吳
越春秋又云勾踐築城已成怪山自至怪山者琅
邪東武縣海中山一宿自來故曰怪山山形似龜

亦呼爲龜山 東武會稽志云龜山之下有東武
里卽琅邪東武縣山一夕移于此東武人因徙此
故里不動 塗山在縣西北四十三里禹會萬國
之所郡國志曰有石船長一丈云禹所乘者宋元
嘉中有人于船側掘得鐵履一雙又會稽記云東
海聖姑從海中乘船張石帆至二物見在廟中又
有周時樂器名鐸于銅爲之形似鐘而有頸映水
中用芒莖拂之則鳴宋武修廟得古珪梁初又得
青玉印 獨婦山越絕書云勾踐將伐吳置婦女
山上以邀軍士 壇宴山卽謝靈運遊宴之處今

往往聞有簫笛之聲也 江橋山山陰記云郭北
有江橋卽宋江彪所居之地因以名之 蘭亭在
縣西南二十七里輿地志云山陰郭西有蘭渚渚
有蘭亭王羲之所謂曲水之勝境製序于此 山
陰鏡湖漢順帝永和五年會稽太守馬臻創立鏡
湖在會稽山陰兩縣界築塘畜水水高丈餘田又
高海丈餘若水少則洩湖灌田如水多則閉湖洩
田中水入海所以無凶年隄塘周迴三百一十里
都溉田九千餘頃又會稽記云創湖之始多淹冢
宅有千餘人怨訴于臺臻遂被刑于市及臺中遣

使按鞫總不見人驗籍皆是先死匹人之名又按輿地志云山陰南湖縈帶郊郭白水翠巖互相映發若圖畫故逸少云山陰路上行如在鏡中遊耳唐玄宗朝秘書監賀知章乞爲道士還鄉勅賜鏡湖一曲寒溪一名溫泉在鏡湖南暑月水冷冬月水溫白樓亭孔曄記云江夏太守宋輔于山南白樓亭立學教授也又郡國志云沛國桓儼避地至會稽聞陳業賢而往候之不見臨去入交州留書繫白樓亭柱而別柯亭郡國志云千秋亭一名柯亭又會稽地記云漢議郎蔡邕避難宿于

此亭仰觀椽竹知有奇響因取爲笛遂以爲寶器
也千秋一云高遷亭 飛翼樓按越城記云六樓
八門并四水門共十二門樓飛翼最高 故城越
絕書云勾踐小城山陰是也 樂野吳越春秋勾
踐立苑于樂野 南林吳越春秋范蠡云越之處
女出于南林 廢郡城在縣南三里昔王朗爲會
稽郡時王肅在郡東齋宿夜半有女子從地出自
稱越王女與肅語將曉辭別贈一丸墨是時肅方
注周易多凝滯旦用此墨放思開敏

會稽縣

舊二十六鄉
今一十八鄉

秦舊縣吳越春秋云禹巡行天

下還歸大越會計修國之道以會稽名山仍爲地
號 若耶山在縣東南四十四里昔葛玄道成所
隱桐几化成白鹿三足共行兩頭更食山下有潭
潭傍有石時人謂之葛仙公石 會稽山在縣東
南十里山海經云會稽之山四方上多金玉下多
砮石秦始皇東巡立石刻銘卽李斯篆書 秦望
山在縣南二十七里史記云始皇登之以望南海
孔曄記云秦望爲眾峯之傑入境便見始皇刻石
于此輿地志云刻石前有石廣數丈云是始皇所
坐之石兩邊有方坐八所云是丞相以下坐石故